

## **EFESUS**

### **Khe Por Efesusin Ndi Khergi Gap**

### **Khe fharav ganinga buni khare.**

Kha gava niinge khan muungi, Fhe Bakime za kha bigir Krais farve khingir za mbui. Ana kha Hevenan ki bigi, ana zam ntan ana farve ga suv, vhira kha nuianan ki bigi, ana vhira ntan ana farve khingirga. Ana ntan Krais farve khingirga, Krais, ana za mba bigi gari guman pan kirga (1.10). Fhe Bakime kha gumgi gu mbigi khavirga, mbe guigira anan gumgi gu mbigi kiv, mbe guigira Krais phorgip havhargip, ndava bavira kirga.

Kha gavar, Por fharav ana buni vhirvera mba Fhe Bakime fhura kha gumgi gu mbigi kora mbui kora muumbara bun mbe nzuai. Fhe Bakime mba Krais kothigi gumgi gu mbigi, ana mbe muungim, mbe wari tigap ki. Ana Krais Zisas muungi naarar panan, ana taagia mba gumgi gu mbigi ndigi. Ana mbe ndigap, ana won Nina Naarar mbe niingi. Mbe ana ntiri ma. Ana tivir vhuuin mben muunga, ana fhum maan mben muun za suangi ngirkamen ki. Ana mba ngirkamen zin vugi (1.14). Kha gavar, kha kamenra ndegi kamen, Por khan mba guigira Zisas kothigap guigira ana phorgi gumgi gu mbigi, mbe guigira wari tigip ndava bavira kiv, mbe Fhe Bakimera tivi zin ngiri.

Kha gavar, Por vhunaa ga si bunin mbe nzuai. Ana khuen mbe khivirga, mbe tuituigip ne kangir zav, mbe Krais phorgi, mbe wari heegi fhu, mbe

za wari tigip kirga. Ana khañ mbe nzuai, nde Fhe Bakimen gumgi gu mbigi, nde wari tigap guma bavira ki fara muungim, Krai, ana nden pan ma. (4.1-16) Khueñ vhira, nde Fhe Bakimen gumgi gu mbigi, nde phena fara muungim, Krai ana mba phena rigirkuaan fara muungi. (2.19-22) Khueñ vhira, Fhe Bakimen gumgi gu mbigi, mbe mbiga fara muungim, Krai, ana mba mbigar man ma. (5.22-32) Nza kha gavar, nza guigira, Fhe Bakime kha gumgi gum mbigir muunga bigir vhuuñ ganinga.

## **Nza Kraisan panan Fhe Bakime fhura bigir vhuuñ vhirver nza niñgi.**

<sup>1</sup> Gu Por, gu Krai Zisas farasarigi ñaara guma ma. Ana vuzvugara Fhe Bakime nan farasarigim, gu ana ñaara guma ki. Gu kha gava khergiap, nde Fhe Bakimen gumgi gu mbigi, nde Efesus ngu bakimen kav, guigira Krai Zisas phorga havhariap, zazera ana zin vui. Gu kha gavar nde ndi mbai.

<sup>2</sup> Nza Ndia Fhe Bakime, gum nza Bakime Zisas Krai, mani nden korar muuny, ndava mitigar nden niñrim, nde kiri.

*Nza Kraisan panan Fhe Bakime za Hevenan ki bigir vhuuñ nza ndii.*

<sup>3</sup> Nza Fhe Bakime zi ndiv vun kuamkuarga, ana Fhe Bakime ma! Ana vhira nza Bakime Zisas Kraisan Ndia ma. Nza guigira Krai phorga

havhargim, ana Kraisan panan, ana nzan ntuun kurkurav zav, ana za Hevenan ki bigir vhuuinjra nza ndiii.

<sup>4</sup> Fhe Bakime zungum kha nuiana muunji. Ana fhumra nzan Krai phorgi kir zav nzan fararav nzan wora mbuigi, nza ngaravra kirga. Nza tivir vhuuiaj mbui gumgi gu mbigi kiv, nza ana niman bigin thuenj suanjv simtik kirga fhu.

<sup>5</sup> Ana fhum guarara wo ndavar nza niingiap, kha ndikndiga mbui. Zisas Krai muungirga njarar panan, ana taagip nza ndigip, nzan wo kaman farga, nza anan tari kirga. Ana vuzvugara Fhe Bakime maanj muunji.

<sup>6</sup> Ana mba guigira vuzvugi Kama panan, ana guigira fhura kora muumbara bakimen nza muunji. Maanj muungiap, ana mba nzan kora muunji kora muumbara bakime ndikndigip, nza guigira Fhe Bakime zi ndiv vun kuamkuarga.

<sup>7</sup> Fhe Bakimen kora muumbar, ana guigira kivgi. Krai nza bikbigir zav, ana nza nzuav rimgi. Ana rimgim, ana vizin nza muunji tivi mbatigi vhizi zav sia suagim, Fhe Bakime ana vizina panan nza muunji tivi mbatigi, ana nta vhezgiap, nta ndikndik njangi.

<sup>8</sup> Fhe Bakime, za kha bigi kanji. Ana vhira guigira ndikndigi vhuuinj kav, ana kha bigir guigira nzan kurkurav nza muunji.

<sup>9</sup> Fhe Bakime, ana fhum guarara, ana mba

---

**1:4** Zo 15.16; 17.24; Ro 8.28; Ef 5.27; Kor 1.22; 2 Te 2.13; 2 T 1.9; Ze 2.5; 1 Pi 2.20    **1:5** Zo 1.12; Ro 8.29-30; 2 Ko 6.18; Ga 4.5    **1:6** Mt 3.17; Zo 3.35; Ro 3.24; 5.15; Kor 1.13    **1:7** FG 20.28; Ef 2.7; Kor 1.14; 1.20; Hi 9.12; 1 Pi 1.18-19    **1:9** Ro 16.25; Ef 3.4; 3.9-11; Kor 1.26; 2 T 1.9

Krais muunji n̄aara panan muunga bigen, ana ne ndirigi. Ana fhum ne ndirigim, mba ndikndik fhum zorga kav kav, ana ntigem, wo vuzvugara mba ndikndigar nza khivigi.

<sup>10</sup> Ana mba muun za mbui bigen khañ muunji. Ana za kha bigi shiman suigirim, nta ngip, kiv, ana mba sarigi tugara, ana mba bigi, ana za nta fugip, nta ndi Krais farve khangirga. Ana kha Heven gum nuianan ki bigi, ana zam nta ndim ana farve khangirga. Krais za mba bigir pan kirga.

<sup>11</sup> Fhe Bakime, ana wo vuzvuk gum won ndikndiga zin vuav za kha bigi ga mbuim, nta hi. Ana wo vuzvugara, ana fhum guarara, ana nza Zudain, ana nza farasegim, nza Krais phorgip, nza guigira Fhe Bakimen gumgi gu mbigi guari kirga.

<sup>12</sup> Nza Zudain, nza fharav Krais khotigap, anan rarga ki ntiri ma. Nza maan mbuim, Fhe Bakime nzan farasegi, nza zazera ana tivir vhuuin gum ana nkasnka bakime ndikndigip, ana zi ndiv vun kuamkuarga.

<sup>13</sup> Nde mba harigi fhain ngui gumgi gu mbigi, nde vhira mba buna guaren mbararagi. Mba buna guaren, ne buna vhuuen ma. Mba buna vhuuen panan, Fhe Bakime taagiap nde ndigi. Nde vhira Krais khotigap, ana nde ndigi, ana phorgim, Fhe Bakime, ana fhum wo suanji kamen zin vov, ana won Nina Naarar nde nningiap, anan panan, nden wora mbuigim, nde ana gumgi gu mbigi ma.

<sup>14</sup> Nza Fhe Bakimen Nina Naara ndigi, maan

---

**1:10** 1 Ko 3.22-23; Ga 4.4; Fi 2.9-10; Kor 1.16; 1.20; Hi 1.2; 1 Pi 1.20

**1:11** Ro 8.17; 8.28-29; Kor 1.12; Ta 3.7; Ze 2.5; 1 Pi 1.4      **1:13** 2 Ko 1.22; 6.7; Ef 4.30; Kor 1.4-6      **1:14** Ru 21.28; Ro 8.23; 2 Ko 1.22; 1 Pi 2.9

muunjiap nza kanji, nza zumgum, Fhe Bakime won gumgi gu mbigir nñn zav suanji bigir vhuuij, nza vhira nta ndigirga. Nza mba bigi ndir zav Fhe Bakimen rargi, ana taagi nza ndigirim, nza bikbigip, nza ana ntñri ma. Nza ana phorgi kiv, ana mba ñkasñka bakime ki ñaari bakivi ana nta muunji. Nza nta ndikndigip, ana zi bakime ndiv vun kuamkuarga.

*Por Fhe Bakime ndikndigi vhuuin Efesusij nñn zav mbe nzuav Fhe Bakime phorga nzuai.*

<sup>15</sup> Gu nde mbararagim, nde guigira Guma Bakime Zisas kothigap, nde guigira wari won ndavir za Fhe Bakimen gumgi gu mbigi ga ndñi.

<sup>16</sup> Gu ne nzuav, gu zazera Fhe Bakime phorga nzuav, gu zazera nde ndikndigap, nde nzuav Fhe Bakime nzuav ana ndikndigi.

<sup>17</sup> Gu nza wo Bakime Zisas Kraisan Fhe Bakime phorga nzuai, ana guigira vhava ñaar bakime gum ñkasñka bakime ki Ndia ma. Gu khuej nzuav ana phorga nzuav, ana nzai. Ana won Nina Ñaarar nden nñngirim, ana ndikndigi vhuuin nden nññrim, nde guigira Fhe Bakime kanjip, nde vhira tuituigip ana kanjirga.

<sup>18</sup> Gu khuej vuzvugi, ana nden ndikndigi ntararim, ana mba ndir zav nden kamgi, nde tuituigip nta kanjirga. Nde mba bigi ndir zav nta rarga ki. Maan muunjirga, nde mba bigir vhuuij guarira, nde nta kanjirga. Mba bigi, Fhe Bakime nzan ana gumgi gu mbigi, ana nzan mbuigi bigi ma.

19 Maan muungip, nde vhira kangirga, Fhe Bakimen nkasnka bakime zazera nza ana kbothigi gumgi gu mbigi, ana zazera nzan kurkurigi. Ana guigira nkasnka baki guar ma. Mba Fhe Bakimen nkasnka bakime, ana nza phorga ngari.

20 Mba nkasnkara fhum Kraiss phorga ngargi. Kraiss fhum ringim, Fhe Bakime mba nkasnka bakimera taagia ana khavgiap, ana ndigap Hevenan ndagim, ana anan han, anan guva haren ga perigi.

21 Maan muungiap, Kraiss, ana za mba nkasnka ki niningi, ana za nta kharav vu guarara ki. Ana vhira za mba gumgir pani kharav, mba nkasnka ki bigi, ana vhira mbe kharigi. Ana ntigem kha tugen ziri ki gumgi, ana mbe kharav, ana mba zumgum ziri kirga gumgi, ana vhira mbe kharigi.

22 Fhe Bakime za kha bigir Kraiss farve khingim, nta zam ana piin ki. Ana ana muungim, ana za kha bigi gari guman pan ki. Ana sios ganin zav mba tivar ana muungim, ana maan muungiap ki.

23 Sios vhen ki gumgi gu mbigi, mbe Kraissan khariga fara muungi. Kraiss, ana mba kharigar pan ma. Nza siosan vhen ki gumgi gu mbigi, nza bevbevira ana kharigar figi ma. Kraiss gum, ana nkasnka gum, ana muun za mbui tivi, nta siosan ki, nta za tugiratigi. Kraiss, mba Heven gu nuianan ki bigi, ana za nta mbuim, nta vhira za tugiratigi.

---

**1:19** Ef 3.7; Kor 1.11; 1.29; 2.12      **1:20** Sng 110.1; 2 Ko 13.4; Kor 1.16; 2.10-12; 3.1; Hi 1.3      **1:21** Ro 8.38; Fi 2.9-10; Kor 2.10; 2.15; Hi 1.4      **1:22** Sng 8.6; Mt 28.18; Kor 1.18; Hi 2.7      **1:22** Kor 1.18  
**1:23** Ro 12.5; Ef 4.10; 4.15; Kor 2.9; 3.11

## 2

*Fhe Bakime nza vhezgi gumgi, ana nza muungim, nza Krai phorgap zazera mbara muungiap ki biihbihi ndigi.*

<sup>1</sup> Nde fhum, nde Fhe Bakime vuzvugi tivi daasuav, tivi mbatigi ga mbuim, nta nde shogim, nde vhezgi gumgi fara muungiap ki.

<sup>2</sup> Nde mba tugivigen, nde kha nuianan tivi mbatigi, nde nta zin vuav, wari rui. Nde kha buivar ki ninigi mbatigi gari guman pan, nde ana tivi zin vegi. Mba hina mbatik, ana hkasnka ntigem Fhe Bakime buni daasui gumgi gu mbigi ndavi vheri gari.

<sup>3</sup> Nza fhum, nza zam mba gumgi phorga kav, nza wari won ndavi vuri tivi zin vov, nza wari wo vuzvugi mbatigi, nza ntara zin vui. Nza maan muungiap kav, nza mba khesharigi tivi ga mbui gumgi gu mbigi, Fhe Bakime nza nzuav guigira ndav shigap nza nzuav vheza bevahegim, ana mbur ki. Nza ana ndige.

<sup>4-5</sup> Khuen guigira, nza mbui tivi mbatigi nza shogim, nza vhezgi. Nza za vhezgi gumgi fara muungiap wari ki. Nza maan muungim, Fhe Bakimen kora muumbar, ana guigira kivgi. Ana guigira won ndavar nza ninigi. Ana maan muungiap, nza muungim, nza Krai phorgap taagia khavgi fara muungiap wari kav, nza tivir hkaa zin

---

**2:1** Ef 4.18; Kor 1.21    **2:1** Kor 2.13    **2:2** Zo 12.31; Ef 5.6; 6.12; Kor 1.21; 3.6-7; Ta 3.3    **2:3** Ro 5.12; Ga 5.16; Kor 3.6; Ta 3.3; 1 Pi 4.3  
**2:4-5** Ru 15.24; 15.32; FG 15.11; Ro 5.6-10; 6.4-5; 6.13; 10.12; Ef 1.7; 2.1; 2.7; Kor 2.12-13

vui. Ahaŋ, Fhe Bakimen kora muumbarara, ana taagia nza ndigi.

<sup>6</sup> Ana Kraiŋ ringim, ana taagia ana khavi fara muunġiap, ana vħira nza khavġiap. Ana nza khavġiap, nza muunġim, nza vħira Kraiŋ phorgap, Hevenan ŋgui vħirve gari guman pan pigi mpirm-piriga piigi.

<sup>7</sup> Ana Kraiŋ Zisaŋ muunġi ŋaarar panan, ana mba tivar vhuun nza mbui. Ana khaŋ muunġi ne nzuav, ana guigira won kora muumbara bakimen za kha gumgi khiviv ŋġip, zumtugum, ana vħira mbe khivirga.

<sup>8</sup> Nde ne nzuav guigira Kraiŋ kothigim, Fhe Bakime won kora muumbarara, ana taagia nde ndigi. Khe nde nduarira muunġi bigen fhuvara. Zakira fhuvara! Fhe Bakime fhura mba bigen nde niŋgi.

<sup>9</sup> Khe nde ŋaara the muunġim, ana nen vhezar nde niŋgi fhuvara. Nde ne suaŋv nde guma the nduara wo zi ndiv vun kuamkua thari.

<sup>10</sup> Fhe Bakime Kraiŋ Zisaŋ panan, ana nza muunġim, nza won ndava vura tivi vħizġiap, nza tivir ŋkaa zin vui gumgi gu mbigi ki. Nza ntigem mba Fhe Bakime fhum nza nzuav, mba tivir vhu-uiŋ zin vui tuav, ana ana bevahegim, ana ki. Nza ntigem mba tuavar ŋġirga.

*Panan wari ga ki tiv, Kraiŋ mba tiva vħizġim, phina phunini, mani ntigem wani tiġap phina bavira ki.*

---

**2:6** Ef 1.20; Kor 2.12    **2:7** Ef 1.7    **2:8** Zo 4.10; Ro 4.16; 10.14-17; Fi 1.29; 2 T 1.9; Hi 6.4    **2:9** Ro 3.20; 3.27; 4.2; 1 Ko 1.29-31; 2 T 1.9  
**2:10** 1 Ko 3.9; 2 Ko 5.5; 5.17; Ef 4.24; Ta 2.14



11 Nde harigi fhainj ŋgui gumgi, nde kanji, mbe Zudainj, mbe warir fooi. Mbe warir foov, kha suambarar nde mbui, “Nde fooi fhuv gumgi ma.” Kha kameŋ, ne mbe gumgi nduarira wari won fhavi ga mbui bigeŋ, mbe ne nzuai. Nde tuituigip khueŋ ndikndigiri, nde fhum, nde harigi fhainj ŋgui gumgi kegi.

12 Nde mba tugen, nde Kraiŋ thav samra ki. Nde Isrerinj bina thav kirar ki. Fhe Bakime mba kamen Isrerinj ga suangi, nde mbe thav kirar ki ntiri ma. Nde kha nuianan kav, nde bigina vhuuŋ the zungum hir za mbuim, nde ana rarga ki fhuvara. Nde vhira Fhe Bakime kanji fhuvara.

13 Nde fhum Fhe Bakime thav shama guarara kegi. Kraiŋ nde nzuav wo vizina siasuagi. Nde ntigem Kraiŋ vizin nde ndiga zim, nde Kraiŋ Zisas phorgap nde guigira Fhe Bakime hara ki.

14 Kraiŋ nduara nza mbuim, nza ndavi mbirav, tuituigiap wari tigap ki. Fhum Zudainj, mbe panan harigi fhainj ŋgui gumgi ga kegi. Mbe maan mbuim, mba tiv bina fara muuŋgiap, mbe Zudainj, ana mbe thugim, mbe khar ki, mbu harigi fhainj ŋgui, mbe mbur ki. Kraiŋ, ana won fhavara, ana mba bina kargiap, mba panan wari ga kegi tiv, ana ana vhizgiap, ana mba phina phuni, ana mani ga muuŋgim, mani phina bavira ki.

15 Ana Moses suangi tivi, ana nta vhizgiap, ntan buni gum ntan tivi, ana vhira nta vhizgi. Ana

---

**2:11** Ro 2.28-29; 1 Ko 12.2; Ef 5.8; Kor 1.21      **2:12** Ro 9.4; 9.8; Ga 4.8; Ef 4.18; Kor 1.21; 1 Te 4.5; 4.13      **2:13** Ga 3.28; Ef 2.17; Kor 1.20  
**2:14** Ais 9.6; Mai 5.5; Zo 16.33; FG 10.36; 1 Ko 12.13; Kor 1.20; 2.14  
**2:15** 2 Ko 5.17; Ga 6.15; Ef 4.24; Kor 1.20-22; 2.14; 2.20

maan muungirga, ana mba phina phuni, ana mani fugip, mani ndi wani tikhingirga, mani harigi kesharigi Zيسان phina kama bavira kirga. Ana mba tivar muungirga, nza wari tigip ndava bavira kirga.

<sup>16</sup> Ana khanararen ga ntorgap rimgiap, mba fhum panan wari ga kegi tiv, ana ana shogim, ana vhezgi. Ana mba phina phuni, ana mani fugirim, mani wani tigip phina bavira kim, mani Zيسان phorgap khariga bavira fara muungiap ki. Ana mani ndigap, Fhe Bakime han zi.

<sup>17</sup> Ana zav, buna vhuuen bun nzuav khan nzuai, “Nde harigi fhain ngui ntiri, nde Fhe Bakime thav samra ki ntiri. Nde Zudain, nde Fhe Bakime hara ki. Nde ntigem wari tigip ndava bavira kiri.”

<sup>18</sup> Nza wari tigap ndava bavira ki, ne khan muungi. Nza Kraisan, nza phina phuninin ki ntiri, nza wari tigap, Fhe Bakime Nina Njaarara nza nzuav tuav fhigim, nza won Ndia han vui.

*Nza guigira Zيسان kothigi gumgi gu mbigi, nza Fhe Bakimen phena guar ma.*

<sup>19</sup> Nde ntigera kanji, nde ntigem vhunaa fara muungiap, nuiana sosuagiap fhura tuigap ki fhuvara. Zakira fhuvara! Nde ntigem Fhe Bakimen gumgi gu mbigi phorgap, nde tuga bavira ki. Nde ntigem guigira Fhe Bakime ntiri ki.

<sup>20</sup> Nde Fhe Bakime muungi phena fara muungiap ki. Nza Zيسان farasegi njara gumgi gum Fhe Bakime kamthoon gumgi, ana nza ndi fegim, nza

---

**2:16** Sek 9.10; Ro 6.6; 8.3; Kor 1.20; 2.14    **2:17** Ais 57.19; Sek 9.10; FG 2.39; Ro 5.1    **2:18** Ro 5.2; 1 Ko 12.13; Ef 3.12; Hi 4.16; 1 Pi 3.18  
**2:19** Ga 6.10; Ef 3.6; Fi 3.20; Hi 12.22-23    **2:20** Mt 16.18; 1 Ko 3.9-11; Ga 2.9; VB 21.14

mba phenan kinivige fara muunjiap wari ki. Krai Zisas, ana guigira mba phena rigirkuaan khingi kuan guar ma.

<sup>21</sup> Mba phena khek Krai ana phufurigim, mba phena feij gu bigi za zav anan kuamkuagiap, nta wari tigap nzerara ki. Fhe Bakime ntigar mba phena mbuim, mba phen ntigar kivav vui. Mba phen, ana Fhe Bakime phenara.

<sup>22</sup> Nde vhira Krai phorgim, Fhe Bakime nden mba won gumgi gu mbigi phorgim, nde Fhe Bakimen phena guar ma. Ana won Nina Naarar panan mba phenan kirga.

### 3

*Por naar ki, ana Fhe Bakimen buna vhuuej bun harigi fhain ngui gumgi gu mbigi ga suanga.*

<sup>1</sup> Fhe Bakime tivar vhuun nde muunji. Gu Por, gu mba bigina nneera nzuav, gu binan ki. Gu binan ki, ne khañ muunji, gu Krai Zيسان naara mbuav, gu nde harigi fhain ngui gumgi gu mbigi, gu nden kurkurigi nera nzuav, gu binan ki.

<sup>2</sup> Gu khuen ndikndigi, nde khuen mbararagi thi? Fhe Bakime nan kora muunjiap, kha naarar muun zav na farasarigi. Ana vhira nde kora muunjim, gu nde nzuav mba naara muunji.

<sup>3</sup> Fhe Bakime mba fhum muun za suangi bigen, ne zorga ki. Ana nduara ne bun na suangim, gu mba buni mbarire kherav nde suangi.

---

**2:21** 1 Ko 3.16-17; 2 Ko 6.16; Ef 4.15-16; Kor 2.19      **2:22** 1 Pi 2.5  
**3:1** Ef 4.1; Fi 1.7; 1.13; Fm 1.1; 1.9      **3:2** Kor 1.25      **3:3** Ef 1.9-10;  
 Kor 1.26

<sup>4</sup> Nde maan muungip, gu kha khergi buni ganiv, nde khan muungip kangirga, gu mba Kraisan muunga njaara nzuai zorga ki kamen, gu guigira ne kangi.

<sup>5</sup> Fhum tugen, mbe Fhe Bakime mba zorga ki buna vhuuej vhangia ki. Ana ne bun mbe suangi fhuvara. Ana ntigem won Nina Njaar panan, ana mba vhagi buna guaren, ana nen nza Zisas farasari gi njaara gumgi gum anan kamthoon gumgi, ana mba njaarar muun zav, nzan farasegap, nza khivigi.

<sup>6</sup> Mba vhangia ki buna vhuuej khan muungi. Mba harigi fhain ngui gumgi, mbe vhira Fhe Bakime Zudain nin za mbui bigi, mbe vhira nta ndigirga. Mba harigi fhain ngui gumgi, mbe ntigem Zudain guari phorgip, mbe wari tigira kirga. Mbe wari tigip kiv, mbe wari tigip Fhe Bakime mba Kraisan muun zav suangi bigi, mbe mba bigi ndigirga. Ne khan muungi, mbe Zisas Kraisan buna vhuuej panan, mbe wari tigip mba njaara vhen kirga.

<sup>7</sup> Fhe Bakime na kora muungiap ana won nkashka bakimen panan, ana fhura harigi khesharigi biginan na ningim, gu ana buna vhuuej bun nzuai njaara guma ki.

<sup>8</sup> Gu fhum guigira guma mbatik ma. Gu guigira za mba Fhe Bakimen gumgi gu mbigi piin ki. Ana fhura nan kora muungiap, mba njaarar na ningi. Mba njaar khare, ana Zisas Kraisan buna vhuuej bun harigi fhain ngui gumgi gu mbigi ga suan zav, mba njaarar na ningi. Mba buna vhuuej, ne Kraisan

nza nzuav mbui bigir vhuuñ vhirvera bun nzuai. Nza gumgi, nza mba bigi ganiv, za ntan ruemgirga tuktigi fhuvara.

<sup>9</sup> Fhe Bakime fhum za mba bigi ga muñgiap, ana fharav wo vuzvugar muunga bigi, ana nta vhagiap ki. Ana kav kav, ana ntigem mba vhangia ki ndikndigi, ana nta bun suan zav nan farasarigi.

<sup>10</sup> Ana fhum mba bigi vhagiap, kegap, ntigem ana won siosan panan higap, ana ntigem won mbarkirga ndikndigir vhuuñ, ana nta ndiv hian tigi. Ana ntigem wo ndikndigi vhuuñ guarira, ana nta ndi hian tigem, Hevenan enseri mbe buiva gari ñkasñkagi ki, mbe vhira Fhe Bakimen ndikndigi kanjirga.

<sup>11</sup> Fhe Bakime fhum guarara mba bigir muungen ndikndigiap, ana ntigem, nza Bakime Krai Zisasan panan, ana mba bigi ga muñgim, nta higi.

<sup>12</sup> Nza guigira Krai kothigap, nza vhira ana phorga havhargiap, nza mañ muñgiap Fhe Bakime niman ñgirgip, nza ana phorgi suanga, ana nza mbarararga.

<sup>13</sup> Mañ muñgiap, gu ntige guigira nde nzuai. Gu nden kurkurav ndi simtigi, nde ndikndigi vhirver ntan muñv, guigira Zisas kothigi ndikndik kuemkuegi thari. Nde kha hi bigi, nde ntan ndikndigiri. Ne khan muñgi, mba bigi nden kurarim, nde nzerara Fhe Bakime phorgip kirga.

*Por Efesusiñ havhargip kir zav, mbe nzuav Fhe*

---

**3:9** Ro 16.25; 1 Ko 2.7; Ef 1.9; Kor 1.16; 1.20; Hi 1.2    **3:10** Ro 8.38; 11.33; Ef 1.21; 1 Pi 1.12    **3:12** Zo 14.6; Ro 5.2; Ef 2.18; Hi 4.16    **3:13** Kor 1.24

*Bakime phorga nzuai.*

14 Gu Fhe Bakime muunji bigi ga nzuav, ana niman thipanani phirav, ana niman fi.

15 Ana Heven gu nuianan ki ntiri, ana za mben Ndia ma. Ana nduara za mbe muunjiap zirir za mbe niingi.

16 Gu thipanani phirgiap nde nzuav Fhe Bakime phorga nzuav anan nzav khan nzuai, “Dara, ndu mbarkirga bigir vhuuij guarira ki. Ndu maanj muunjiap, won Nina Naara si mbe suanjrim, anan njkasjka guigira mbe phorgi kirim, mbe ndavi havhargip wari kirga.

17 Ana nden kirim, nde guigira Zisas kothigirim, Zisas zazera guigira nden ndikndigi ganiv, nde ndavi vherir kiri. Nde maanj muunjv, guigira wari won ndavir harigi ntiri ga ndii tiv havhargip, nde ndavi vherir kiv, nde havhargirim, nde kha nuiana thigim, nuian ana suirav, ana havhargim, ana thiga havhargi farar muunjiap.

18-19 Nde maanj muunjiap, nde za Fhe Bakimen gumgi gu mbigi phorgip njkasjka ndiv, nde guigira Krai won ndavar nde ndii tiva kanjirga. Mba tiv, ana guigira kiviap, guigira mpeenjap, guigira vun mbar ndav, guigira niin mbar vergi. Ahanj, Krai, ana guigira wo ndavar za kha gumgi gu mbigi ga ndii tiv, ana guigira za mba ndikndigi kamarigi. Nde vhira tuituigira ana kanjiri. Fhe Bakime vhira tivir vhuuij guigira anan givigi, mba tivi vhira nde givarga.”

---

**3:15** Ef 1.10; Fi 2.9-11      **3:16** Ro 9.23; 2 Ko 4.16; Fi 4.19; Kor 1.11; 1.27      **3:17** Zo 14.23; Ef 2.22; Kor 1.23; 2.7      **3:18-19** Zo 1.16; Ro 10.3; 10.11-12; Ef 1.18; 1.23; Kor 2.2; 2.9-10

<sup>20</sup> Fhe Bakimen ηkasηka, ana nduara nzan ndavi vherir ηgari. Mba ηkasηka guigira za nzan ndikndigi kamarigi. Nza muun zav Fhe Bakimen nzai bigi, ana ηkasηka guigira za mba bigi kambarigi.

<sup>21</sup> Maan muunγιap, sios vhen ki gumgi gu mbigi, mbe guigira Krai Zisas phorgip, mbe zazera Fhe Bakime zi ndiv vun kuamkuav, mbara muunγιap kiv, zumgum nzan nzigi gu tori mbe mbara muunv kirga. Nai guigi guarara.

## **Krais nzan vhen kim, nza Fhe Bakimen tivira zin ηgirga.**

### 4

*Nza guigira Krai khotigi gumgi gu mbigi, Krai nzan vhen ki. Nza Kraisan kariga fara muunγι.*

<sup>1</sup> Gu Por, gu phena tivanen ki. Ne khan muunγι, gu Guma Bakimen ηaara mbui. Fhe Bakime guigira wo zin ηgir zav nden kamgim, nde guigira anan gumgi gu mbigi ki ne nzuav, gu nde ndikndigi khavi. Nde ana vuzvugi tivi, nde guigira nta zin ηgiri.

<sup>2</sup> Nde wari tigap guigira Zisas khotigi gumgi, nde khan muunγι ndikndigiri. Nde za wari tigip tuga bavira kiv, nde za mbarara wari tigip kiri. Mbe pham bigin thuen nden muunγirim, nde

---

**3:20** Ro 16.25; 1 Ko 2.9; Kor 1.29      **3:21** Ro 11.36; 16.27; Hi 13.21

**4:1** Ef 3.1; Fi 1.27; Kor 1.10; 1 Te 2.12; Fm 1.1; 1.9      **4:2** FG 20.19;

Ga 5.22-23; Kor 3.12-13

vhemkora mbe suany ndav shi thari. Nde bevbevira, guigira wari won ndavir mben niingip, mbe nde ndii simtigi, nde nta ndiri.

<sup>3</sup> Fhe Bakimen Nina Njaar, ana ndava bavira ki tivar nza ndii. Maanj muungiap, nde ndavi mbarav, nde khañ tigip, mba tiva suirav havhargiri. Mba tiv ana mpiin fara muungiap nza kegin, nza wari tigap ki.

<sup>4</sup> Nza guigira Zisas kothigi gumgi, nza wari tigap khariga bavira ki fara muungi. Nina Njaara bavira vhira nzan vherir kiri. Fhe Bakime bigina bavira rargi kir zav nden kamgi.

<sup>5</sup> Guma Baki bavira ki, bigi kothigi tiva bavira ki. Nza Fhe Bakime bavira zin panan ruai.

<sup>6</sup> Fhe Baki bavira ki, ana za nzan Ndia ma. Ana za kha gumgi gu mbigi kharav vu guarara kav, mbe gari. Ana vhira za won gumgi gu mbigi phorga ngari. Ana vhira za wo gumgi gu mbigir vherir ki.

<sup>7</sup> Krai nza bevbevira, ana fhura nza kora muungiap, ana fhura bigina baki guarara nza niingi. Ana mba fhura nza ndii bigin, ana nzan kurkurav, won njaarar muun zav anan nza niingi. Krai mba bigina bakimen nza khivigi, ana fhura nza niingi tiv, ana guigira kivgi.

<sup>8</sup> Fhe Bakimen buni vhuuin ki gap khañ nzuai,

“Ana vu guarara ndagi. Ana fharav guigira won pana gumgi gu mbigi mbevi njkasjkar

---

**4:3** Kor 3.14-15    **4:4** Ro 12.5; 1 Ko 12.4; 12.11-12; Ef 1.18; 2.16-18  
**4:5** Zo 10.16; 1 Ko 1.13; 2 Ko 11.4; Ga 3.27-28; Hi 6.6    **4:6** Ro 11.36;  
 1 Ko 12.6    **4:7** Ro 12.3; 12.6; 1 Ko 12.11    **4:8** Sng 68.18; Kor 2.15



farfagim, mbe bikbɪgim, ana za kha bigi kharav, vu guarara ndagi.

Ana maan muunɟiap fhura ndikndigi vhuuin gum ɲkasɲkagir gumgi mbari ga nɲɲgi.”

<sup>9</sup> Mba khaɲ nzuai kameɲ, “Ana Hevenan ndagi”, mba kameɲ khuen nza khivigim, nza kaɲgi, Kraiɲ, ana fharav Hevenan kegap, kha nuianana zerav, za kha nuianan vhen khina guarara vergi. <sup>a</sup>

<sup>10</sup> Kha guma, Kraiɲra, ana fharav nuiana vhen khina guarara vergap, ana zumgum vun ndagi. Ana guigira vun ndav, vu guarara ndagi. Ana ndav, ana za mba bigi ana za nta tugara tigap, nta garim, nta ana piin ki.

<sup>11</sup> Ana nduara fhura kha khesharigi ndikndigi vhuuin ndi ndii. Ana gumgi mbari, ana won ɲaarar muun zav mben farasegi. Ana mbari, ana Fhe Bakimen kamthoon gumgi kirga, ɲaara mbe nɲɲgi. Mbari, ana won buna vhuueɲ bun gumgi gu mbigi ga suanga ɲaarar mbe nɲɲgi. Ana mbari, ana won ɲaara gumgi kiv guigira Zisas kothigi gumgi gu mbigi kurkurav, Fhe Bakime vuzvugi tivir mbe khivirga.

<sup>12</sup> Kraiɲ nza Fhe Bakimen gumgi gu mbigi, ana nzan kurkurar zav fhura mba ndikndigi vhuuin mbe nɲɲgi. Mbe nzan kurkurarga, nza maan muunɟip ana ɲaarar vhuun muunga. Mbe mba ɲaarar muunga, nza guigira Kraiɲ kothigi gumgi gu mbigi, nza khaɲ tigip havhargip guma kharik

---

**4:9** Zo 3.13 <sup>a</sup> **4:9** Bigi kaɲgi gumgi mbari kha kameɲ dorga khaɲ nzuai, “Ana fharav za kha nuianan zergi.” **4:10** Hi 4.14; 9.24

**4:11** Ro 12.7; 1 Ko 12.28; 2 T 4.5 **4:12** 1 Ko 12.7; Ef 1.23; 2 T 3.17

ηkasηkagiap, vhuuv, nzerara ki farar muungip kirga.

<sup>13</sup> Kha ηaar, ana mbara muungip ηgip kirim, nza zam guigira ndava bavira wari phorgip Zisas kothiviv, nza zam guigira Fhe Bakimen Kama kanjirga. Nza maan muungip, guma ruma farar muungip, nza guigira Zisas kothigap, ana zin vui tivi, nta Zisas tivira fara muungirga.

<sup>14</sup> Nza wom tarire ki farar muungip kirga fhu. Nza kiv, mba raan shav bigi guiguigi gumgi, mbe guigira guiguigi kanji. Mbe guiguigi buni fhura biηbiη gum mbasik phuri kema si fara muungi, mba kem, ana fhura tamtam vui. Ana wo vui ηanen vui fhuvara. Nza mba fara muunga fhu.

<sup>15</sup> Nza khuarir mba khesharigi bunin rigirga fhu. Zakira fhuvara! Nza guigira wari won ndavir wari ga ndii tivi zin ηgiv, vhira khan tigip buni guari bun suanga. Nza maan muunga, nza havhargiap ki gumgi gu mbigi kiv, nza guigira Krai phorgirga, ana nzan pan ma.

<sup>16</sup> Ana suira gu hari, anan rimgi, ana nta garim, nta bevbevira ana niηgi ηaari, nta nta mbui. Ana vhira thivi ηkiriη gum hari gu bigi ga mbuim, nta tuituigiap wari suigiap, guigira ndavir wari ga ndiv, ηkasηkagiap vhuui. Nza mba tiva mbuav, nzan fhavi ηkasηkagiap vhuui.

*Guigira Krai kothigi gumgi gu mbigi, mbe Krai tiva zin ηgiri.*

---

**4:13** 1 Ko 14.20; Kor 1.28; 2.2    **4:14** Ais 28.9; 1 Ko 14.20; 2 Ko 2.17; Hi 13.9    **4:15** Ef 1.22; 4.25; Kor 1.18; 1 Zo 3.18    **4:16** Kor 2.19

<sup>17</sup> Maan muunjiap, gu buna muen nde suan za mbui. Gu Guma Bakime zin panan, gu kama havharar khañ nde nzuai, nde wom harigi ngui gumgi gu mbigi tiva zin ngi thari. Mbe ndikndigi, nta fhura ki ndikndigi ma.

<sup>18</sup> Mbe ndikndigi gingingi. Mbe bigin the kanji fhuvara, mben pani havhargim, mbe Fhe Bakimen kiri tivi thav, kirar ki.

<sup>19</sup> Mbe wari wo mbui tivi, mbe ntan mberi fhu. Mbe guigira tivi mbatigi vhen vergap, mbe mbarkirga tivi mbatigi guarira muun zav thagi ne mbui.

<sup>20-21</sup> Gu kanji, nde Kraisan kameñ mbararagim, mba buna guareñ Kraisan ki. Mbe nen nde khivav nde suangi. Maan muunjiap, gu kanji, mbe ndava vura tivi zin ngir zav, nde khivav, nde suangi fhuvara.

<sup>22</sup> Nde fhum, nde vhira ndavi vuri tivi zin vuim, nta nde guiguigim, nde tivi mbatigir muun zav ndavi khavi. Mba tivi, nta guma ndiga mbarigirga tuavar vui. Nde ntigem, mba tivi vuri, nde nta vharari.

<sup>23</sup> Nde ntigem, nde ndikndigi nkaa zin ngiri.

<sup>24</sup> Nde tivir nkaa zin vui gumgi gu mbigi kiri. Nde Fhe Bakime nde muunji, nde tivir nkaa zin ngiri. Nde Fhe Bakimera farar muungip kiri. Ne khañ muunji, nden tivi guigira nzerara kirim, nde ngaravra kiri.

<sup>25</sup> Maan muunjiap, nde guiguigi tivi thari. Nde

---

**4:17** Ro 1.21; 1 Pi 1.14      **4:18** FG 26.18; Ga 4.8; Ef 2.12; 1 Te 4.5

**4:19** Kor 3.5      **4:22** Ro 6.6; 8.13; Ef 2.2-3; 4.17; Kor 3.9; Hi 12.1; 1 Pi 4.3      **4:23** Ro 12.2; Kor 3.10      **4:24** Stt 1.26; Ro 6.4; Ef 2.10; Kor 3.10      **4:25** Sek 8.16; Ro 12.5; Kor 3.8-9

buni guarira mba guigira Zisas kothigi gumgi gu mbigi ga suanri. Ne khan muungi, nza zam Kraiss ntiiri ma, nza Ndia bavira nza tegi.

<sup>26</sup> Nde maan muungip ndavi shiv, nde tuituigira wari ganiri. Nde tiva mbatiga thuen muun thari. Nde bigin thuen suanv ndav shigip, mba ndav shiri mbara muungip kirim, ra ngiriv vhezithari.

<sup>27</sup> Nde Satan ga suanv thima fhiri thari.

<sup>28</sup> Mba kiii gumgi, mbe wom kimi thari. Zakira fhuvara! Mbe ntigem wari won harira ngariri. Mbe wari won harira naarir vhuuin muunri. Mbe wari wo harira ngariv, bigi tuktigip, maan muungip bigi sosuagi gumgir kurkurarga.

<sup>29</sup> Nde fhura mbarkirga buni mbatigi, nde wari won kaathoorin nta suan thari. Fhuvara. Buni vhuuinra nde kaathoorin kegip hiv, guigira Zisas kothigi ndikndik havhargi fhuv gumgir kurkurav, mbe havharirga. Mba khesharigi buni, nta Fhe Bakimen kora muumbara ndiga zim, gumgi gu mbigi ana mbararagi.

<sup>30</sup> Nde ndava simtigar Fhe Bakimen Nina Naarar niin thari. Fhe Bakime nden won mbuiav, won Nina Naarar nde niingim, ana nden vhen ki. Ana Nina Naar nden vhen ki, ne khan muungi, nde ana gumgi gu mbigi ma. Ana nen nde khivir zav, ana tuga sarigi. Ana mba tugar nde ndigip, nden muungirim, nde guigira bikbigirga.

<sup>31</sup> Nde harigi gumgi ga nzuav ndavi mbarigi tivi, panan ki tivi, nde za nta vharari. Nde vhira vhegi

---

**4:26** Sng 4.4; Ze 1.19-20    **4:27** 2 Ko 2.10-11; Ze 4.7; 1 Pi 5.9    **4:28**  
 1 Te 4.11; 2 Te 3.8; 3.11-12    **4:29** Ef 5.4; Kor 3.8; 3.16; 4.6; 1 Te 5.11  
**4:30** Ais 63.10; Ro 8.23; Ef 1.13-14; 1 Te 5.19    **4:31** Kor 3.8; 3.18-19;  
 Ta 3.2-3; 1 Pi 2.1

tivi, ndav shi tivi, kama saan ndiav tuara huri tivi, harigi gumgi nzii tivi, nde mba khesharigi tivi mbatigi, nde za nta vharari.

<sup>32</sup> Nde guigira Zisas kothigi gumgi gu mbigi nde tivir vhuuin mben muunv, wari won ndavir mben niiri. Fhe Bakime mbara muungiap Kraisan zin panan, ana nde muungi tivi mbatigi, ana nta vhezgiap nta ndikndik ngangi. Nde mbara muungip, mbe nde muungi tivi mbatigi, nde vhira nta ndikndik nangiri.

## 5

### *Nza vhava naarar rurga.*

<sup>1</sup> Fhe Bakime guigira won ndavar nde niingim, nde ana tari ki. Maan muungiap, nde ana mbui tivi zin ngiri.

<sup>2</sup> Nde guigira wari won ndavir harigi ntiri ga ndii tivi zin ngip, wari ruri. Krais, ana guigira won ndavara nza niingiap won tuma fekhingiap nzan kurigi. Nde mba tiva zin ngiri. Ana won tuma fekhingiap Fhe Bakime nzuav ndigar vhuun hi ofa mbui fara muungi ofa muungi.

<sup>3</sup> Nde fhura ruarir ferferiv, ruarir mbigi gu gumgi wari kimiv, wari ndi thari. Nde vhira mbarkirga tivi mbatigir muun thari. Nde vhira harigi gumgi bigi nihi thari. Mba kir Fhe Bakime segi gumgi gu mbigi, mbe mba khesharigi tiva thanen ganirim, ne nden rigar ki thari.

---

**4:32** Mt 6.14; 18.22-35; Mk 11.25; 2 Ko 2.10; Kor 3.13    **5:1** Mt 5.48; Ru 6.36    **5:2** Kis 29.18; Wkp 1.9; Sng 40.6; Zo 13.34; Ro 14.15; 2 Ko 2.15; Ga 2.20; Hi 7.27; 10.10; 1 Zo 3.11; 3.23    **5:3** Ro 6.13; 1 Ko 5.1; 2 Ko 12.21; Kor 3.5; 1 Te 4.3

<sup>4</sup> Nde buni mbatigi suany, ndikndik ki fhuv buni suany, ngiza buni mbatigi suany thari. Nza mba khesharigi buni, nza nta suanga tuktigi fhuvara. Zakira fhuvara! Nde Fhe Bakimera phorgiv suany anan ndikndigiri.

<sup>5</sup> Nde tuituigip khuen kanjiri, mba ruarir fhura ferferav, gumgi gu mbigi ruarir wari kiv wari ndi tiva mbuav, tivi mbatigi ga mbuav, mba bigi garav, nta niihi gumgi gu mbigi, mbe Krais gu Fhe Bakime piin kirga ntiri phorgip kegirga tuktigi fhuvara. Mba bigi niihi tiv, ana tori gu mbarivi rotu ga mbui tiva fara muungi.

<sup>6</sup> Nde tuituigira wari ganiri. Nde fhura mba shishigi buni khini nzuai gumgi ganirim, mbe nde ngi thari. Mba khesharigi tivira, Fhe Bakime mba ana buni daasui gumgi gu mbigi, ana mbe nzuav ndav shi.

<sup>7</sup> Maan muungiap, nde khurkhur mba khesharigi gumgi gu mbigi khuma thari.

<sup>8</sup> Nde fhum mba tivi mbatigi ginginan kegi. Nde ntigem, Guma Bakime nde ndiv vhava njaarak fegi. Maan muungiap, nde vhava njaarak rui fara muungi gumgi gu mbigi ruri.

<sup>9</sup> Vhavar njaarak, ana mbarkirga tivir vhuuini ndi hian rigi. Ana nzerara ki tivi gum buni guari ndi hian rigi.

<sup>10</sup> Nde guigira khang tip havhargip Guma Bakime vuzvugi tivi kangir sanv nta suany ngariri.

---

**5:4** Mt 12.35; Ro 1.28; Ef 4.29      **5:5** 1 Ko 6.9-10; Ga 5.19-21; Kor 3.5      **5:6** Ro 1.18; Kor 2.4; 2.8; 2 Te 2.3      **5:8** Zo 12.36; FG 26.18; Ro 1.21; 2 Ko 3.18; Ef 2.11-13; Kor 1.13; 1 Pi 2.9; 1 Zo 2.9      **5:9** Ga 5.22  
**5:10** Ro 12.2; Fi 1.10; 1 Te 5.21; 1 T 2.3

<sup>11</sup> Nde gĩngĩnan ki tĩvi ga mbui gumgi, nde khurkhuman mbe khumu thari. Mba khesharigi tĩvi, nta mban vhuuĩn ti fhuvara. Zakĩra fhuvara! Nde khuen gumgi gu mbigi khivĩri. Mba khesharigi tĩvi, nta tĩvi mbatĩgi ma.

<sup>12</sup> Nza zomzora mbui tĩvi, ga suangen thari. Nza mba bigi ga suangen mbergi.

<sup>13</sup> Mba vhava ŋaar, ana za mba tĩvi mbatĩgi niĩnge ndi kĩa suim, nta za hiĩra ki.

<sup>14</sup> Mba vhava ŋaar, ana bigĩn the ndi kĩa khĩngirga, mba bigĩn vhava ŋaara farar muũgip kĩa. Maan muũgiap, mba kameĩ ki,

“Ndu ntigem kui guma, ndu khavgiiri.

Ndu mbok thav khavgiirim, Kraĩs ndun muũgiirim, ndu vhava ŋaarar kĩa.”

<sup>15</sup> Maan muũgiap, nde tuituigip wari wo rui ruru tĩvi gu bigi ganĩri. Nde ndĩkndĩk ki fhuv gumgi rui rurur muũn thari. Fhuvara. Nde ndĩkndĩgi vhuuĩn ki gumgi rui rurur muũnri.

<sup>16</sup> Nde ntigem Fhe Bakĩmen tĩvir muunga tuk ki, nde tĩvir vhuuĩn muũnri. Nde ntigem khar ki tuk, ana tuga mbatĩk ma. Maan muũgiap, nde tuituigip wari ganĩri. Nde fhura kĩv, fhura mba tuga vhiĩzi thari.

<sup>17</sup> Nde ndĩkndĩk ki fhuv gumgi gu mbigi mbui tĩvir muũn thari. Fhuvara. Nde Guma Bakĩme vuzvugi tĩvi, nde nta kanĩgi.

---

**5:11** Ro 6.21; 1 Ko 5.9-11; Ga 6.8; 2 Te 3.6; 3.14; 2 Zo 1.10-11    **5:13**  
 Aĩs 26.19; 60.1; Zo 3.20-21; Ro 13.11; Hi 4.13    **5:16** Ga 6.10; Kor 4.5  
**5:17** Ro 12.2; Kor 1.9; 1 Te 4.3; 5.18

18 Nde pharar n̄an̄anin mbiv̄ n̄an̄ani thari. Fhuvara. Mba khesharigi tiv̄, ana nden farfagi. Nde fhura Fhe Bakimen N̄ina N̄aara ganirim, ana nde ganiv̄ guigira nden ndavi vherir, kiri.

19 Nde guigira Zisas kothigi gumgi gu mbigi, nde wari phorgip buni suanv̄, nde Ngavi Ki Gavar ngavi, gum rotu mbui ngavi, gu Fhe Bakimen N̄ina N̄aar nde ndavi khavav nde ndii ngavi, nde mba ngavir wari won buni phorgip mbe suanri. Nde v̄hira Guma Bakime suanv̄, nde wari wo kaathoori gum wari won ndavi vherir ana zi ndi vun kuamkuav, ana suanv̄ ngavir muunri.

20 Nde maan̄ muunv̄, nde zazera Zisas Kraisan zin panan, nde za mba bigi ga suanv̄ Fhe Bakime phorgip suanv̄ anan ndikndigiri.

*Por mani gu mburi ga nzuai.*

21 Nde Kraisan, nde Bakime ki ne ndikndigip, nde bevbevira, nde guigira Zisas kothigi gumgi gu mbigi piin kiri.

22 Nde mbigi, nde Guma Bakime piin ki tivara, nde wari won mani piin kiri.

23 Ne khan̄ muun̄gi, guma ana won muun pan ma. Kraisan mba tivara muun̄gi, Kraisan, ana siosan pan ma. Guma won khariga vuzvugi tivara, Kraisan won siosa vuzvugi. Kraisan ana taagiap ana ndigap, ana tuituigira ana gari.

---

5:18 Snd 20.1; Ais 5.11; 5.22; Ru 21.34    5:19 Sng 33.2-3; FG 16.25;  
 1 Ko 14.26    5:19 Kor 3.16-17    5:20 Sng 34.1; Ais 63.7; Hi 13.15;  
 1 Pi 2.5    5:21 Fi 2.3; 1 Pi 5.5    5:22 Stt 3.16; Ef 6.5; Kor 3.18; 1 Pi  
 3.1    5:23 1 Ko 11.3; Ef 1.22-23; Kor 1.18



24 Sios ana Kraisan piin ki. Mba tivara nde mbigi, nde vhira, nde za kha bigi, nde wari won manin piin kiri.

25 Nde gumgi, nde guigira wari won ndavir wari won muuin niingiri. Krai mba tivara muungi, Krai ana guigira won ndavar sios ga niingiap, ana won tuma fekhingiap siosan kurigi.

26 Ana wo suangi kamen zin vugap, ana mbin sios ruagim, sios Fhe Bakime niman ngarigi. Ana mba tiva muungiap, ana siosan wora mbuigi.

27 Ana siosan muungirim, ana guigira ana rimani, niman vhergir zav mbui. Ana ana rimani niman nzanngap, mbekmbegip, vharvhari kirga fhu. Zakira fhuvara! Sios ana ngaravra kiv, ana simtik kirga fhu.

28 Mba tivara, nde gumgi, nde guigira wari won ndavir wari won muuin niingiri. Nde ndavir warira ndii tivara, nde mba tivara, nde mben muunri. Guma, ana guigira ndavar won muun ndii, ana taagia guigira ndavar wora ndii.

29 Nza khuenj kangi, guma the taagiap panan wora kegirga tuktiigi fhuvara. Zakira fhuvara! Ana tuituigira won fhava garav, mban ana ndii. Krai ana mba tivara sios ga mbui.

30 Ne khanj muungi, nza Kraisan kharigar figiveinj ma. Nza anan suira gu hari gum ana rimgi ma.

31 Fhe Bakime buni vhuuinj ki gap khanj nzuai, “Maanj muungiap, guma ana won niamuun gu ndia

---

5:25 Ga 1.4; Kor 3.19; 1 Pi 3.7    5:26 Zo 15.3; 17.17; Ta 3.5; Hi 10.10; 10.22; 1 Zo 5.6    5:27 2 Ko 11.2; Ef 1.4; Kor 1.22    5:30 Ro 12.5; 1 Ko 6.15; 12.27; Ef 1.22-23    5:31 Stt 2.24; Mt 19.5; Mk 10.7-8; 1 Ko 6.16

thav, ana won muuŋ phorgi, mani wani tiŋap guma bavira ki.”

<sup>32</sup> Kha zorgi kamen, ne guigira ndikndik bakime nen vhen ki. Gu nduara kha ndikndiga mbui, mba kamen, ne Kraiŋ gum ana sios ga nzuai.

<sup>33</sup> Kha kamen ne vhiira nde gumgi gu mbigi nde nzuai. Nde gumgi bevbevira, nde ndavar warira ndiŋi tivara, nde guigira wari won ndavir wari won muuin niŋgiri. Nde mbigi, nde guigira wari won ndavir wari won manin niŋv, mbe piin ki, tivir vhuuŋra mben muuŋri.

## 6

### *Por tari gum ndegi gu ndegmbori ga nzuai.*

<sup>1</sup> Nde tari, nde wari won ndegi gu ndegmbori nzuai buni mbararav, nta zin ŋgiri. Nde za Guma Bakime phorgi, mba tiv, ana nde muunga tivar vhuuŋ ma.

<sup>2</sup> Fhe Bakime buni vhuuŋ ki gap khaŋ nzuai, “Nde wari won ndegi gu ndegmbori piin ki, mbe nzuai buni mbararav nta zin ŋgiri.” Kha tiven ne fharigi tiven Fhe Bakime suaŋgi kamen nen ki.

<sup>3</sup> Fhe Bakime mba suaŋgi kamen khaŋ nzuai, “Nde maŋ muunga, nden kiri tivi gu bigi nzer-arga. Nde tugar mpeenra kha nuianan kirga.”

<sup>4</sup> Nde ndegi, nde fhura wari won tarir muuŋrim, mbe nde suaŋv ndavi shi thari. Fhuvara. Nde

---

**5:32** Kor 3.19; 1 Pi 3.6; VB 19.7  
15.4 **6:2** Kis 20.12; Lo 5.16  
Snd 19.18; 22.6; Kor 3.21

**6:1** Snd 23.22; Kor 3.20 **6:2** Mt  
**6:4** Lo 4.9; 6.7; 6.20-25; Sng 78.4;

Guma Bakime niman, nde khan tigip tivir vhuunra mbe khivirim, mbe nta zin ngiri. Nde vhira, Guma Bakimen buni vhuuin mbe khiviri.

*Por njara gumgi gum mbe gari mpiinsigi ganzuai.*

<sup>5</sup> Nde fhura njara gumgi ki gumgi, nde wari wo gari mpiinsigi piin kiri. Nde guigira mben piin kiv, zazera mbe buni zin ngip, mbe guiguigi thari. Nde Krai njara mbuav mbui tivara muunri.

<sup>6</sup> Nde mbe gansaman mbe raan shi tivar muunv, mba njara vhuun muun thari. Fhuvara. Nde mba njara muunv nde fhura Krai njara gumgi ki tivara muunv, nde guigira wari won ndavir Fhe Bakime niingip, nde vhira Fhe Bakimen vuzvuga zin ngiri.

<sup>7</sup> Nden ndavi nzerara kiv, mba njara muunri. Nde guma khinan njara mbui ne ndikndigi thari. Fhuvara. Nde Guma Bakimen njara mbui.

<sup>8</sup> Nde ndikndigi. Maan muungip, guma the njara vhuunra mbui, Guma Bakime vheza vhuunra anan niinga. Mba guma, ana njara khina mbui guma o, ana bikbiigiap kav ngari guma, ana vheza vhuunra anan niinga.

<sup>9</sup> Nde mbe gari mpiinsigi, nde vhira tivir vhuunra mba nden ngari njari gumgir khinin muunri. Nde fhura rivivar mbe ndii tivi, nde nta kuegiri. Nde khuen kangiri, kha Hevenan ki Guma Bakime, ana nde Guma Bakime gum, ana vhira mben Guma Bakime ma. Ana tiva bavira zin vov, za kha

gumgi gu mbigi mbui tivi ga nzuav, mbe garav mbe nzuai.

*Guigira Zisas kothigi gumgi gu mbigi, mbe ntari ga mbui gitiivi fara muungiap wari ki.*

<sup>10</sup> Gu ntigem khan muongi tigip wo buni vhizi zav mbui. Nde Guma Bakime phorgi. Nde ana nkashka bakime panan, nde thigi havhargiri.

<sup>11</sup> Nde Fhe Bakime ntarir muun zav nde niingi bigi, nde zam nta shargiri. Nde maan muungirga, nde thigi havhargip, mba Satan zomzorav, nde guiguigiap, nden muun za mbui tivi, nde nta daangi mbur khingirga.

<sup>12</sup> Nde tuituigira ndikndigiri. Nza gumgi gu mbigi phorga shogi fhuvara. Zakira fhuvara! Nza niingi nkashkagi phorga shogav, kha nuianan niingir pani phorga shogav, mbarkirga nkashkagi kibigi phorga shogi. Nta ntigem kha tuga ginginan kav, kha nuiana gari. Nza vhira kha vun ki niingi mbatigi phorga shogi.

<sup>13</sup> Maan muungiap, nde Fhe Bakime ntarir muun zav nde niingi bigi, nde za nta ndigip, nta shargiri. Nde za maan muungip, mba tuga mbatik nden hi tugen, nde nta shargip thigi havhargip shogirga. Maan muungip mba ntar vhezirga, nde mba ntara kamarigi, nde mbara muungip thigi havhargip kirga.

<sup>14</sup> Nde thigi havhargiap Fhe Bakime bun nzuai buni guari, nde rikavar wari won vhaari ga

---

**6:10** 1 Ko 16.13; Ef 1.19; 3.16; Kor 1.11      **6:11** Ro 13.12; 2 Ko 6.7; 10.4; Ef 4.14; 1 Te 5.8      **6:12** Zo 12.31; 14.30; Ro 8.38; 1 Ko 15.50; Kor 2.15; 1 Pi 5.8-9      **6:13** 2 Ko 10.4; Ef 5.16      **6:14** Ais 11.5; 59.17; 2 Ko 6.7; 1 Te 5.8

rigi farar muungip, ntan wari won vhaari rigiri. Nde tivir vhuuñ zin vui tiv, ana siot kapa fara muungip, nde ana shararim, ana nde fheenphugive vharari.

<sup>15</sup> Nde maan muungip, wari thithim tigip, nde Fhe Bakime kha gumgi gu mbigi phorgip ndava bavira kirga buna vhuueñ bun mbe suañri. Mba tiv, nde ntari ga mbui ñkari sharive shari farar muungip mba tiva suirari.

<sup>16</sup> Nde za kha ntara bigi ndigip, nde vhira zazera guigira Zisas kothigi tiv, nde ana suirari. Nde rama farar muungip ana suira havhargiri. Nde maan muungip, nde mba guma mbatik Satan, nde ana vhava khigap si fugi, nde nta shogi nta phiri suegira.

<sup>17</sup> Nde Fhe Bakime taagiap nde ndigi, ne ndikndigiri. Mba ndikndik, nde bina vhuigim, nde kapa khorar fagi farar muungip, ana fari. Nde anan fav, nde Fhe Bakimen Njina Njaarar kos suirari. Ana Fhe Bakimen buna guareñ ma.

<sup>18</sup> Nde Fhe Bakimen Njina Njaarar ñkasñkar panan, nde zazera Fhe Bakime phorgi suañri. Nde mbarkirga bunin Fhe Bakime phorgip suañv, anan nzañrim, ana nden kurkurari. Nde vhira zazera wari ganiri. Nde vhuksu thari. Nde zazera Fhe Bakime phorgip suañv, za mba guigira Zisas kothigi gumgi gu mbigir kurkurar sañv, ana nzañri.

<sup>19</sup> Nde vhira nan kurkurar sañv Fhe Bakime

---

**6:15** Ais 40.9; 52.7; Nah 1.15; Ro 10.15    **6:16** 1 Zo 5.4    **6:17** Ais 49.2; 59.17; 1 Te 5.8; Hi 4.12; VB 19.15    **6:18** Mt 26.41; Ru 18.1; Ro 12.12; Kor 4.2; 1 Te 5.17; 1 T 2.1    **6:19** FG 4.29; 2 Ko 3.12; Kor 4.3-4; 2 Te 3.1

phorgip suanv ana nzanri. Gu khuenj vuzvugi, nde khanj muunji tigip Fhe Bakime phorgip suanri. Gu ana buna vhuuej bun suan sanv muunrim, Fhe Bakime wo buna vhuuen na kamthooj khingirim, gu rivi thav, guigira thigi havhargip ana zorga ki buna vhuuen niinje ne bun suanga.

<sup>20</sup> Fhe Bakime nduara na sarigim, gu mba buna vhuuej bun suan zav vugi. Gu mba buna niienra nzuav gu binan ki. Gu Fhe Bakimen buna vhuuej bun suanga naar ki. Maan muunji, nde Fhe Bakime phorgip suanrim, ana na havhargirim, gu rivi thav, khanj tigip havhargip, gumgi gu mbigi phorgip suanga.

*Por tivar vhuun mben muun zav Fhe Bakime nzuai.*

<sup>21</sup> Tikikus, gu muunji naari gum nan kiri tivi, ana za nta bun nde suanga. Tikikus, nza guigira ana vuzvugi. Ana nza phorgap guigira Zisas kothigi guma ma. Ana vhira Guma Bakimen naara guman vhuun ma.

<sup>22</sup> Gu ana sarigim, ana mba bigenra nzuav, ana nden han mbar vui. Ana ngip, gu ki kiri tiva bun nde suanga, nde gu ki kiri tivi kanjip, nde wari won ndavi havhargirga.

<sup>23</sup> Nde na phorgap guigira Zisas kothigi gumgi gu mbigi, nza Ndia Fhe Bakime gum nza Bakime Zisas Krai, mani ndava mitigar nden niinrim, nde khanj tigip havhargip guigira Zisas kothigip, guigira wari won ndavir warir niinga.

24 Fhe Bakime kora muumbar za mba guigira wari won ndavir nza wo Guma Bakime Zisas Kraiis ga ndii gumgi gu mbigi phorga ki. Mbe guigira wari won ndavir Zisas ga ndii tiv, ana vhezgirga tuktigi fhuvara.

## **Fhe Bakimen Kaman Kamen Kire New Testament**

copyright © 2001-2004 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

---

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468